


Vischnaunca Obersaxen Mundaun



**Lescha d'energia
Indemnisaziun alla communitad**

Cuntegn

Indemnisaziun alla communitad

Art. 1

Entrada en vigur

Art. 2

Indemnisaziun alla
communitad

Art. 1

¹ La vischnaunca incassescha da tuts consuments finals dalla vischnaunca dad Obersaxen Mundaun ina taxa per la communitad ell'altezia da 0 tochen 2 raps per kilowat l'ura (rom da taxa) e zuar independentamein sch'ils consuments finals han fatg diever agl access dalla reit libera d'energia ni buc.

² La suprastonza communal vegn autorisada da fixar annualmein la taxa vertenta per igl onn proxim. Quei ha da succeder el rom da taxas tenor alinea 1.

³ La vischnaunca incarichescha il gestiunari dalla reit d'incassar la taxa tier ils consuments finals ed autorisescha el leutier. Il gestiunari dalla reit ha da contribuir las taxas alla vischnaunca. Per sia lavur astga el tschentar in quen adequat alla vischnaunca.

⁴ Il gestiunari dalla reit ha da menziunar la taxa el quen al consument final e quei tenor las normas dallas disposiziuns vertentas dil dretg federal.

⁵ La vischnaunca impunda la taxa alla communitad cunzun per ils suadonts intents:

- a) contribuziun da garanzia all'economia generala communal
- b) sustegn per projects enteifer la vischnaunca, ils quals surveschan ad ina pli gronda part dalla populaziun per in diever efficient d'energia
- c) Sustegn per infrastruttura da turissem la quala ei per il generalesser accessibla e d'impurtonza per ina purschida atractiva dil turissem

⁶ La suprastonza communal reglescha ils detagls.

Entrada en vigur

Art. 2

¹ Questa lescha entra en vigur immediat suenter che la radunonza communal ha approbau ella.

² Cun l'entrada en vigur da questa lescha vegnan tut ils decrets communs dallas anteriuras vischnauncas ch'ei cuntradictoris a questa lescha remplazzai.

Approbau dalla radunonza communal dils 4 d'october 2018.

Il president communal

Il scarvon communal

Ernst Sax

Hiazint Brunold